

# God is met ons

DAG 6

## By die strome van genot

**Lees Psalm 46.**

*Geseënd is dié wat honger en dors na wat reg is,  
want hulle sal versadig word (Matt. 5:6).*

**D**alk hou jy, net soos ek, ook van 'n koppie koffie in die oggend. Dit is die manier van die liggaam om vir ons te sê dat hy vloeistof nodig het.

Net so roep jou gees ook met verwagting na die Here. Hy soek na intimiteit met die ewige Here sodat jy ook versadig kan word.

Die geestelike dors is 'n passie van die mens om verenig met die Here te leef. Dan weet hy immers hy sal versadig word. Hierdie dors word geles as jy bereid is om verby slegs godsdienstige aktiwiteite te beweeg na 'n diepe eenheid met die Heer. Net die Here kan jou diepste geestelike dors versadig. Hy beloof dit aan hulle wat met groot toewyding en erns na Hom roep.

God beloon mos die mens wat na Hom soek. Daarom moedig Jesus ons aan om te bid sodat

